


~~589904~~
589904-
-589927
Mac. St. Dr. III



UNIVERSITÄTS-
UND LANDES-
BIBLIOTHEK
BONN



589904-589927

Mac^m St. Dr.

W. L. S. S. S. S.
Bob L.



INCONSTANS
FORTUNÆ
CONSTANTIA.

*In Persona Polycratis Samiorum Principis
Funesto eventu*

PROBATA.

Et

*Sub Scenico apparatu,
Theatrales inter umbras
Luci publicæ.*

Per

*Nobilissimam Scholæ Pœseos Juventutem
In Academia Culmensi.*

*Spectante magnorum Hospitum frequentia,
Pœtico-moraliter*

DEMONSTRATA.

Anno


*Metra notando seces, Clare patet annus In istis
Is tibi, qVô LaCerant naCta theatra DeaM.*

Mense

*Quô Sol flammigeri conscendens terga Leonis,
Zodiacum Coeli circumobire solet.*

Die,


*Quam sibi Mercurius produxit sidere fausto
Quinta fuit. Lunæ prima sed ista fuit.*



POSNANIÆ, Typis ACADEMICIS.

Per Nestor Zybenki.

In Nobile Stemma
CIVITATIS CULMENSIS
 Metropolis in Prussia.



- - - - - circumspice Montes. *Cläud.*
 In quibus auratam Proles Latonia fertur
 Deposuisse Lyram. - - - *Ovid. L:8. Metamorph.*
 - - - Coelo Capita alta inferentes. - *Virg. L. 3. Æneid.*
 - - - Dicas crevisse in sidera Montes. *Rutil.*
 Pace subsultant juga; pace rident, *Sarbiev. Lib: 1. Lyric:*
 Vulnere nulla timent. *Venant. Fort: Lib: 3.*
 Nam munimen habent nullo quassabile ferro *Luc: Lib: 5.*
 - - - Tenent Montes per sæcula Nomen. *Silius Lib: 3.*
 O Fortunati nimium, multumq; beati! *Valer: Cato.*
 Crescite & in titulos surgite. - - - *Ovid.*

NOBILIBUS, & SPECTABILIBUS

D O M I N I S

PRÆCONSULIBUS,
CONSULIBUS.

Toti scilicet Inclyto

MAGISTRATUI,

&

HONORATÆ COMMUNITATI
CIVITATIS CULMENSIS

In Prussia Metropolis,

Patronis Colendissimis.

*EXiguam hanc, vilissimi mei tenuitatem Operis, magno Vestrum No-
mini, & Honori, non inconsultè consecrandam decrevi. Nobilissi-
mi, & amplissimi Viri, Patroni Colendissimi. Licet equidem perbellè
noverim, magnis solummodò magna, jure summo deberi: cum & in
aureas Supremorum Caputum Sphæras, non viliores Lapilli, sed pretiosi
soleant Adamantes rotari: & Libanis elevata mole sua ipsa Cœli tan-
gentibus Astra, non humiles Myrica, ast excelsæ applicentur Cedris: &
Nobilioribus Pyrrhi annulis non rudiorum Driadum Silvestrium turbam,
sed eruditam Laurigeri Parnassi Dearum, doctissimo suo cum Præside sit
compertum inseri Cohortem. nihilominus tamen, illud quoq; me minime
latet, qualiter etiâ vilia à pretiosioribus, minus celsa à sublimioribus,
ignota, à magis notioribus, singulariorem æstimationem, gloriam remi-
nentiore, suiq; non oblitterandam commendatione derivent, acquirant,
& certò certius nanciscantur. Promeruerat utique, auro æquivalens pre-
tium, quanquam ferreus ignipotentis Vulcani malleus, quòd olim eun-
dem Rex Superùm Jupiter, aureo suo vertici adherere fustinuerit, cum
videlicet Numen Sapientia Minervam, sacro suo è cerebro repetitis fer-
ri vulnifici ictibus, celerius excuti, produciq; veller. Minutiora quan-
tumvis humilioris sint folia Lauri, quia tamen illi sese appendunt ar-
bori, quæ in summis, Polo contermini Parnassi plantata Culminibus vi-
ret, gaudetquè vocari Delphicorum Filia Montium: ideo non infimò pe-
dum calcaneò proteruntur, sed in verticalis magnorum Pompejorū coro-
namentum summitatis, diligentius queruntur, gratius ac avidius in
præmia operosarum frontium colliguntur, & celebrium Triumphatorum,
Victoriosa vincere premerequè tempora, non indignæ ab omnibus appro-
bantur. Tetra noctis fidelis Alumna, ipsiq; tantum crassioribus squal-
idarum caliginū alligata tenebris ales, nil luminis in lumine cernens,
fors non aded innotuisset luci publicæ, ni eandem Armigera Pallas, in
suam*

suam clarè micantibus cristis rutilantem Galeam, passa fuisset transvolasse, & tanquam gratam præ cæteris victimam, ad resplendentes inextinctis ignibus Aras sacrificari sibi mer permississet. Porro ambiguum non est, nil aded humile abjectumvè esse, quod aliena ad stipulatum præstatiæ, nequeat exinde magis ut antè præstare, sive dignificari magnificentius, & novo adaugeri decore. Prothasis est quod dixi in opere meo Apodosis manet, vile hoc & humile magnopereq; exiguum ex se, sed Vestro Amplissimo Nobilissimi Viri consecratum Nomini, jam non infimum, jam non pene abjectum dici & esse meretur. Rectè sibi adorator animus consuluisse videtur, quòd in vestrorum aurifodina Montiù istius vilitatem opellæ appretiari quæsivit; quòd tenuem exigua Laurus suæ ramusculum, ut planè aridus & abjectus humi serpere non censeretur, his in Collibus Astrifero cognatis Olympo, plantari elegit; quòd inquam, hanc rudiorè Minervam nè nimis impolita, vel penitus judicaretur indocta, per doctissimum Novicollem Parnassum in publicam Orbis lucem ex umbroso Helicone suo transire voluit. Enimvero nihil non sublime, nihil non doctâ conglomeratum arenâ, nihil non satis æstimabile, Vestris inesse Montibus observatur. Sat quidem excelsè Calpe & Abila sublimantur, Apænimus & Ochrys non mediocriter attolluntur in altum, Pelion & Ossa ultra supremam àëris Regionem ascendunt, sed superbè elatis verticibus suis saxam Jovi maximo Giganto Machiam minitantur. Montes vestri, alta, non elata sublimitate turgidi, Superos Cælorum pertingunt ad Orbes; minantur ruinam, sed nefariis Legum transgressoribus, protervos & impios verò Numini rebellium Gigantum ausus (scelera malevolorum intelligo) gravi suo pondere obruturi. ex Athomis, tumuere alii; isti haud Athomæ eruditionis conflati pulvere, magna Quantitate virtutis, & non Pumilla proborum Studiorum mole, altius ac altius intumescunt. Componuntur cæteri ex vilioribus saxis & Lapidibus; Vestros, tot ex aureis certum est coalescere mineralibus, quotquot Viros pretiò inestimabilium talentorum ditatis Urbs hæc Inclyta æstimatori exponit oculo. Inter quos & natiuis Aborigenum Ceris, & hereditariarum Virtutum radiante nitore, primus relucere spectaris, Nobilis, ac Spectabilis Domine JOANNES TRZCINSKI, Præconsul, & Præsidens æstimatissime, Vir omni laude & quovis elogio major, sive enim primam Ortus Tui respexero lucem; hæc satis clara, & illustris cernitur, favente enim Nobiliore Lucina ex illa effulseras Domo, quæ Regia Solis, facile posset nuncupari. Sive pariter venerabundum oculum in coruscantem fulgentissimæ Probitatis Tux convertero claritatem, hæc nequaquàm sine spectatricis pupillæ cerni potest stupore. In Te quippè nitidissimo jubare benigna affabilitas non elata Gravitas, comis modestia, zelosa Pietas, matura Prudentia, mansueta Bonitas, aliæq; millena clarissimarum virtutum Astra resplendent lucidissimè. Phæbeam esse lucem hanc, vel ipsa Soltykoviana probavit Aquila, quæ eandem in Te perspicacissimo suæ Curia Ocello, lustris prope quatuor irretortâ lustravit pupillâ, quò temporis intervallò illius olim Illu-

Illustrissimi Pontificum splendoris MATHIÆ SOLTYK, Episcopi Mar-
 garitanensis, Suffraganei, & Archidiaconi Culmensis, Præfulco Lateri
 velut Zopyrus Dario, Ephæstio Alexandro, individuus adhærebas Jo-
 annes, Qui etiam Te dilectum Joannem, usq̃ in finem dilexit. Proba-
 vit insuper has luminosas dotes Tuas, & ipse Argò centoculò in adsci-
 scendis sibi Consulibus circumspicior Magistratus Culmensis, cum nu-
 per vix Te pretiosam Virorum gemmam feliciter nactus fuerat, mox
 pulcherrima Senatus sui Nobilissimi inseruit Corona, & brevè statim,
 primo quia Præsidentiali, fecit esse eminentem honore, quo non minùs a-
 dornaris, quàm ita eundem Te ipso adornas, cen esses aureo in Diade-
 mate Adamas præstantissimus. Plura de Te scribenda forent si & Tua
 non vetaret modestia, & ego nunc Laudatorem magis, quàm Adora-
 torem agerem; unde cætera Annulò Patri Corvi Tui sub Rosa silentiis
 servanda tantisper consignò, ea nisi publicando vota: ut se Tibi constā-
 tius quàm Polycrati hac aurea Tui Annuli Sphærâ, desponset Fortuna,
 quæ etiam lubrica non poterit esse, dum Soleæ Tuæ insisset Arvæ. Suc-
 cedis ordine secundus, sed primis nulla ratione impar, Nobilis, ac Spe-
 ctabilis Domine PÊTRE JUSTYNSKI, Præconsul, & Burgrabie di-
 gnissime, solidissima Virtutum Petra, exactissimum Proborum Prototy-
 pon morum. Miramur in Te elevatum de rebus altissimis Judiciū,
 cernimus non sine stupore, quomodo os Justī meditatur Sapientiam,
 audimus Svadam Tullianò animatam Enthēò, cognoscimus aureo Tuo in
 Capite probatæ Eruditionis succum & medullam vigere. Pares Tui hu-
 meri ad sustendam Burgrabii negotii molem, quam toties cum gloria
 Tui infractus portasti Alcides. Si pertractes sensuum politicorū discursus,
 ita illos emungis, tanquam in quovis rerum statu versatus perop-
 time fores, si quid de Jure decidis, ita decidis, ac si ipse decideret Ju-
 stinianus. Cætera quæ Te laudabilem reddunt, ampliori Encomiastarum
 stylo fusiùs enarranda relinquo, ego nisi tenuem calamū ad vora ex Ta-
 bula cordis hanc in pagellam transcribenda moveo, exoptans: ut aureis
 Vallis Domestici Tui Alitis volites magnorum per ora Virorum, & pen-
 nīs illius subscribat se Tibi Fortuna, nunquam evolaturam è laribus Tu-
 is. Tuorum tandem fragrantissimorum curro in odorem Liliorum, imò
 celerius Veneratrice convolo penna, non periodi nec paginæ, sed amplio-
 ris styli, & Codicis dignum objectum, Nobilis, ac Spectabilis Domine
 JOANNES CHRYSOSTOME GWOZDZIEWSKI, Præconsul, &
 Senior Pater, Notarie Apostolice S. R. M. Secretarie, Academia Cul-
 mensis. continua fere serie ab Annis sexdecem Provisor dignissime. In
 Te unum gratiosum Joannem omnes videntur conspirasse Gratia in quo,
 veluti splendidiore in Phœbo Radii, excellentes Nobilioris animi natu-
 ræq̃ dotes, cunctis ad stuporem elucescunt. Nulla erit Hyperbole, alias
 superlationis Figura, si de Te vox clamantis altius humilem dicendi ex-
 tollam vocem. divulgando; quòd ea unversim, quæ alios partitim effi-
 ciunt divisa beatos, tu collecta tenes. Ipsa aurei oris loquela, manifestū
 Te facit, quòd sit Tuum Bibliotheca Caput, in quo vix non omnium gra-
 vissi.

vissimorum Authorum volumina inveniri possent. Dulcissimum Tecum colloquium, quod suavi gratia oris, gratiosus attemperas Joannes, quid quid enim loqueris, aurò pretiosiore notandū. quidquid agis, cedro sculpendum, quidquid scribis, Lauro doctiore coronandum. Parit Tibi non parvam Portionem laudis, comptissima animi sedari lenitas, sermonis gravitas, efficacium verborum pondus, & Responsorum Sapientia. Venerabatur Te olim suum Discipulum, Schola Regni Universitas Cracoviensis, ubi de Codice non modicè proficiendo, magnis Hironibus non minor videbaris Achilles; nunc Culmensis Academia vigilantissimum Provisorè adorat. cui non aliter prospicis, quàm Cœli oculus sublunari Mundo; unde etiam specialiter Tuo gratam Nomini scias semper futuram. Trabis in Te omnium corda & affectus, tanquam primum Mobile Cœlestes Sphæras, unicuique Justitiam & veritatem, diligenti, indispensabilis quædam Te diligendi instat necessitas. Agis Tu pro omnium desideriis quod est opportunum, pro multorum expectatione, quod est æquum, pro Honore Nobilissimi Magistratus, quod laudatissimum, pro totius emolumento Civitatis quod vides utilissimum. Dicerem majora, ni mihi particulariter strictum imposuisses silentium, scriberem ampliora, ni meo calamo in Tua evolare Elogia denegasses, majoris enim laudanda agere quàm laudari. Ergo jam Tacitum agam, ne & adulationis notâ (à qua procul est Candor Academicus) invida probissimis tuis rectefactis, ausit mihi impingere, improborum malevolentia. Votorum tantummodo ex flosculis obligata gratitudinis nectō coronam eamque tuis Liliis, quæ intaminatum explicant candorem. (a) infero; apprecando: ut nunquā arefacienda Fortuna successus perenniter in Domo Tua crescant, & florescant. Tuque si non æternus, saltem vivas longævus, cui etiam de me- is multa addat Jupiter Annis. Ego memor favorum,

Semper inoblita repetam Tua munera mente

Et mea me tellus audiet esse tuum. (b)

In distans agere videtur Adorator calamus, cum ad Te corpore remotū, venerabundus transvolat Nobilis, ac Spectabilis Domine ANDREA LEPNER, Medicinæ Doctor, Senior Consul Culmensis. Non Te tamē totaliter absentem, vel ex inde asserere licet, quod sis in affectibus dignissimorum Concivium presentissimus. volitat Nomen Tuum per Ora Laudatoris populi, & singulari Encomiō celebratur, sicque facile ignotis etiam probè nosceris, veluti palam sub oculis esses. Magna est Inclyta Civitati gloria, quod Te parem Æsculapī, non minorem Hippocrate, nacta fuerit Galenum, sed & hinc non postrema eidem accedit gloria, quod scias rectè Principibus placuisse Viris. Erigit illa altius è Montibus Caput spectando diligentius, quam primum ipsi desideratissimus reverteris Incola, Quem licet Magnatum obsequiis continuum adesse cupiat, sibi tamen non deesse vellet, & summè gauderet, ita sinu suo presentem complecti, ut absentem sincero complectitur corde, cui antequā vocalius facie ad faciem Affectus mei propensionem locutus fuero, hæc tantisper votiva precamina interprete cordis calamo in silentio loquor:

(a) Juven. (b) Ovid: Lib: 1. Trist.

ut qui aliorum symptomatibus efficaciter mederis, Tu ipse nullas malignantis Fortune experiaris affectiones, verum supra quasvis tam fortis, quam vitæ aegritudines, ceu quondam Æsculapius, stes incolumis & longævus. Ad Te modò minus-cultæ meæ Eloquentiæ devolvitur causa, Nobilis, ac Spectabilis Domine ANTONI CIELICZKOWSKI, Cōsul, & Judex Civilis, Academiae nostræ Provisor Colendissime. Vellem ego sub Domestico Tuo labaro Provisorali Nomini & Honori dexterius militare, sed mihi & verborum Copia, & auctiores periodorum, Legiones desunt. Non instruo proinde Phalerati sermonis Aciem, ne vel tuam videar magis impugnare modestiam, vel ipse inermis magnanimitate Tua obruar, & prosternar: Tu es invictus Achilles, Tu Hercules insuperabilis, cum licet ingentem publicorum. Urbis negotiorum non-rare tolceres molem, nunquā tamen defatigari videris. Portas & nunc equam Divæ Themidis balancem, addo moderatè: ut in nullam à recto præponderet partem, unice studens, reddere unicuique quod suum est. Vive itaq; in præsidium Urbis, quā diutissimè sisq; semper felicissim⁹ ex omnibus adversis Triumphator, & sub expanso Labaro.

Te Fortuna colat Tibi gloria militet omnis.
Et jam fortè debile, tenuissimi mei penitus hic hebesceret acumen, ni mihi subtilis Patriarum Tuarum Sagittarum porrigeretur acies, Nobilis, ac Spectabilis Domine PETRE DOMINICE CZATTER, Consul plurimum venerande S. R. M. Secretarie, Vir, Cui vix habet Orbis, & Specie, & factis, & probitate parem. Tu recte gestorum amussis, perfectæ eruditionis Idea, singulare Paterni Soli ornamentum; & ut non mutatis verbis, ea quæ meis non rare insonuerunt auribus fideliter proferam: Tu Civitatis Gemma, ac sine felle columba. Omnibus affabilis, & nemini non jucundus remanes, Et nisi Tu vitis aspera tetra Petrus, seu clarius! Cuius sceleri lapis, offensionis existis. Constat satis evidenter, quomodo statim à teneris miscueras præcepta scientiarum, Divinas nam & in illis bene doctus, & in his es optimè eruditus, nec ulla Ars magis Tibi placet, Arte placendi DEO. Confluxit in Te quidquid in Trajanis Mansuetudinis, in Tito bonitatis, in Vespasiano benevolentiae, prisca unquā observavit ætas, ut sic Universalissimū præcellentissimarum virtutum compendiam fieres. Magna Tibi inest benignitas, per quam minaci quenquam.

lædere vultu

Semper & incauta metuis violare figura. (a)

Reticeo hic enixam tuam sollicitudinem, circa Bonum Commune Inclytæ Metropolis, cujus majori nisu, quā propria commoda procurare speriisti, totusq; Te in ejus soles exviscerare Honorem. Sufficiat tantisper hæc innuisse breviter, quæ tali appreciatione concludo: ut præacutis sagittarum telis, constans Fortuna in Triumphum cedat, & prout illis modò virtus meta manet, sic post sera fata, sit Tibi Meta Polus. Vivificas agonizantis jam Eloquentiæ spiritus cordis tui vigore, cum instas laus

(b) Nobilis, ac Spectabilis Domine STANISLAE GRYLEWICZ,
(a) S. Pauling de Anson. (b) Anagr. 62 Con-

Consul, & Camerarie æstimatissime, cujus æstimationem si perpendas, multum appretianda. rectitudinem animi si respiciam, præstantissima. Pietatem affectumq; Cordis si spectem, flagrans, & sine fuco eminet. Adauxisti multoties insignem gloriam huic Metropoli, rerum gestarum magnitudine, & inde est, quod Tibi sæpe sæpius magna Ejus committuntur munera, nosceris enim non exiguo magnanimæ fortitudinis pollere robore, paratum cor tuum etiam propriam dimittere animam, ut Patriam suam dilectissimam feliciter animet. Eruditionem & scientiam Tuam breviori non metior stylo, facile namq; eandem, summam esse unusquisq; cognoscere potest, si sciat ex Scholæ Regni tum per Antecessores jure hæreditario transfusam tibi esse, tum per Te ipsum ibidem non in modica Quantitate comparatam. Cætera in corde Tuo Avito serbo, hæc nisi ex intimis affectus mei depromo medullis: fiat tibi secundum Cor tuum, alias & vivacissimè incolumitatis, & nunquam morituræ famæ animeris Entheo. Grandem tuis meritis injuriam Scriptor Calamus videretur facere, si Avitum præteriret Krzywda, & Atram non funderet sepiam, ut Soleæ, quæ lumina Solis habet, vel penes opposita splendor magis elucescat, Nobilis, ac Spectabilis Domine SIMON DANO WSKI, Consul, & Judex Suburbane. Non minus Tu Claritate nativa, quàm illustribus virtutum refulges Radiis. Enitescunt in Te pulchro foedere junctæ Pietas & Sapientia, affabilitas & prudentia, moris comitas, & sine fastu gravitas, clemens Justitia, & justa Clementia, ut pietate Numa, Legum Statutorumq; notitiâ Lycurgus, benignitate Vespasianus, Prudentiâ Cato, Consiliò Consus, Vir Arte, & Marte potens, sive ex utroq; Caesar, jure meritò nomineris. Cui hæc excito vota: ut Patriæ innixus Soleæ etiam in Lubrico Fortunæ nullum lapsum agnoscas, & benedicente Avita Cruce, bene & feliciter procedas per lacteam meritorum viam, ad culmen Clarifici honoris non atra fatorum caligine obscurandus. Refocillas etiam gratissimo tuarum suaveolentium Rosarum odore, & perjucanda virtutum fragrantia, jam pene elangvidam Eloquentiam meam, Nobilis, ac Spectabilis Domine JOANNES LOKIERT, Consul Culmensis, cujus enixam circa Bonum Commune sollicitudinem, summam in rebus agendis æt̃vitatem, & prudentiam non innuo, Solem enim in Meridionali horoscopantem auge, indigitare studerem, si ea quibus palam emines, manifestius indicare vellem, affectus nisi mei sinceritatem per hæc vota demonstrò: ut fortunatissimis vernis & floreas successibus, quàm diutissimè. Pariter & Tibi Spectabilis Domine IGNATI RZĄDZINSKI, Notariè Culmensis Dignissime, (qui Gallico sat optime præstans idiomate Patriæ Tuae Gratus totum Te illi impendis in obsequia) eliquati, frontis operosa, sudores, in pretiosas Honoris, & Fortunæ concrecant Gemmas. Hic jam procul dubio extinguerentur oratoria lumina, si illis à trinis tuis sideribus nova lux non accederet, Spectabilis Domine CASIMIRE HINC, os & Caput Honoratæ Communitatis, quæ tantum ferè Decus ex Te sibi vendicat, quantum ex Gemma annulus, ex purpura rosa, ex candore

*Lilium, Cælum ex Stellis coruscantibus. Præcedis ipsi virtuosus progres-
sibus velut Princeps Casimirus, Antesignanus gloriosissimus, præluces
claro eximæ eruditionis jubare, ceu Phæbus Splendidissimus, primus
decernas pro integritate Boni Communis, tanquam Dux Strenuissimus,
in quo dum totam Honoratam communitatem veneror, omnibus dignis-
simis Civibus Copiosam Cœlestibus ab Astris, omnium bonorum exopto
influentiam. Habeant cæteri, vel exinde magnitudinem gloriæ suæ,
quod & Orator non habet pares illis laudes, & angustia hujus præconia
eorum præconia capere non posset, in qua hæc tantum pro Ger-
mide Votorum exarantur, : ut singuli Inclitæ Metropolis Indigenæ vi-
vatis felices, & longævi, inconstantiam Fortunæ in immobilibus vestris
Collibus, aut adversum ex alto præcipitium, sive casus fatales nun-
quam experiamini. Crescite altius ac Altius, veluti in Libano Cedri,
unâ cum Palmis tenellis dilectissima nempe Prole Vestra, donec An-
nīs, & virtutibus elevatissimi, stelligerum attingatis Olympum, Et hæc
quæ obligatio exprimere demandavit, Gratitude inscribere persuasit,
gratō animō acceptare non dedignemini, poscit, orat, & precatur.*

Nominis Vestri

Cultor, & Æstimator

Devinctissimus.

M. Thomas Cantius PŁECKI, in Alma Univer-
sitate Cracoviensi Philosophiæ Doctor, in A-
cademia Culmensi Pòescos Professor.

Author Operis.

A N T I P R O L O G U S.

Supremus Deorum Moderator Jupiter, excelsas Orbis
 sublunaris revidens Altitudines, postquam inter eas O-
 lympo non imparem, ampliolem Parnassô Novicollem
 Culmensem adverteret, remonstrat Apollini, quomodò
 multò commodior, & magis competentior, Novenario
 Musarum numero, sit Novicollis, quàm Bicollis Mons
 Parnassius, simulq; persuadet, ut ille sede priore relicta
 sese in Novicollem conferat, quibus diligentius intra se
 perpensis Rector Parnassi Apollo, summas pro tam uti-
 lissimo sibi consilio refert Jovi gratias, moxq; in Novi-
 collem transmigrat, ubi Musæ magnificentiore sedem
 & majorem propter se amplitudinem cernentes, Jovem
 Optimum Maximū humiliter precantur; ut Colles quos
 recenter occupârunt, nullis ab inde malignantium fato-
 rum fulminibûs permittat impeti. Quarū submissæ po-
 stulationi benignissimè annuendo gratiofus Jupiter, pro-
 mittit locum istum Phæbo Musisq; innocuis sacrum, spe-
 cialiùs abhinc protegendum, & Colles novennos altiùs,
 ac altiùs elevandos. Insuper benigniores fausto suo fide-
 re spondet se loco huic causaturum influxus, ut hîc per-
 petuò omnigenæ prosperitatis aurea messis producat.

CHORUS

MUSARUM

O! Decum Supernorum,
 Jupiter fortissime,
 Celsum Polum atq; solum
 Regens prudentissimè,
 Ab hac mole, quam sub sole
 Nunc nobis concesseras,
 Tolle mortes, & fac sortes
 Hîc vigere prosperas.
 Es benignus, ergo pignus
 Benignæ Clementiæ,
 Cum favore ampliore
 Magnæ Providentiæ
 Illud præsta: nè funesta
 Adversorum fulmina
 Terant Colles, quorū molles
 Musæ, tenent Culmina.

Pulsat Coelos nostrum melos,
 Ut per motum influant
 Hos in Montes, atq; Fontes
 Illorum, gemmas pluant.
 Pluant rorem largiorem,
 Ne menses decipiant
 Sortis. Plenas aurô venas
 Sed Montes concipiant.
 Ista vota, Cohors tota,
 Non jam Pindi bicollis
 Camænarum; ast Dearum
 Parnassi Novicollis,
 Ore satur, & precatur
 Insuper summum Jovem:
 Semper crescant & virescant
 Prædicti Montes novem.

ARGU.

A R G U M E N T U M.

Polycrates, qui regnavit in Samo Insula, opibus & felicitate adeò clarus insignisq; fuerat, ut quoad vixit, non tam Fortunæ Alumnus, quàm partus diceretur. Hic ut aliquid adversitatis habuisse videretur, annulum maximi pretii summèq; sibi æstimatum projecit in mare, quem tamen Cocus ejus redinvenit in pisce. Sed Mors infamis & ærumnosa docuit neminē ante obitum meritò dici posse felicem. Ad postremum enim ab Oronte Darii Præfecto captus, & in monte excelso Cruci fuit affixus. Hæc sunt genuina Strab: Lib: 14. & Herodot: Lib: 3. Cætera verò quæ huic Historiæ adjiciuntur, rationabilis fictio (Pòëtis consveta & licita, juxta illud Horatii Libro de Arte Pòëtica ad Pisones: *Pictoribus atq; Pòëtis Quidlibet audendi semper fuit æqua potestas*) suggestit; pro majori nempe rei istius expressione meliori; Actus Drammatici decoramine.

P R O L O G U S.

INstabiles Orbis maleblandi nôsse favores,
 Nôsse dolorificos quos struit ipse dolos.
 Fortunæq; vices variabilis, & bona fluxa
 Sortis Mundanæ (credite) nôsse juvat.
 Nam levius lædit quidquid prænoscutur ante,
 Et prævisa, minùs damna nocere solent.
 Hinc igitur benè nôsse juvat, quàm lubrica, quàm vè
 Sint prænestinæ, dona caduca Deæ.
 Quæ nunc lata manet, nunc vultus sumit acerbos,
 Et nunquam constans in levitate sua est.
 Passibùs ambiguïs quæ sæpe volubilis errat,
 Ludit & illudit, recta, nec æqua satis.
 Illi nulla fides. quo proficit, officit ore,
 Admiscens placidis certa venena labris.
 Cum risu lachrymas, & fel cum melle propinat,
 Mendaci specie nata, dolisq; frui,
 Oscula vix præbet, mox blando fulminat ore
 Sic malè deceptum vulgus amæna premit.
 Clariùs inconstans ejus constantia cunctis,
 Facto constabit, provenietq; brevi.
 In Samiæ Gentis Regnante Polycrate, cujus
 Exitiosa modò pandere damna libet.

Drammatis in forma super hocce patente Theatro
Sub Scenis tragicis, metra ligante stylo.
Ad quas cernendas, oculos cum pectore grato
Hospes magne paras Musa tragæda petit.

ACTUS I. SCENA I.

DEa *Fortuna stipata comitatu suo viri Honorino, Reginâ Pecuniâ, Cornucopiis, ac à longè assistente Occasione & Casu sive Vicissitudine, aureâ in Theatrum provehitur rotâ, ubi amplissimum suum in res humanas jactans imperium, Dominam se Mundi depradecat, recensetq, quomodò sint felices & beati, qui sibi famulantur, quod idem Famæ ebuccinare demandat.*

Fortuna.

Adsom multipotens. Jovis adsum Filia summi;
Ille Deam celerem Coelo me misit ab alto,
Ut bene res hominum proprio super axe rotarem.
Adsum, quæ præsum versandis sortibus Orbis.
Circulus iste teres talem me denotat esse
Illuc sæpe vehens, ubi nunquam speror haberi.
Hoc ego curriculo successus volvo, revolvo,
Hac, licet exigua sphaerâ, complector id omne,
Quod complere potest animos, & fervida vota
Pectoris humani. Me quisq, favente beatus
Quisq, manet felix, & nullius indiget unquam.
Adsum Largitrix Dispensatrixq, bonorum.
Se non solus Honor confert, neq, Copia Cornu
Tumq, Pecunia. Casus & est Occasio per me.
Si placet, extollo. si non, de sedibus altis
Dejicio facilè mox imis summa coæquans.
Si libet, exhilare, si non, contristo moleste
Atq, dolore premo, miscens adversa secundis.
Siq, velim, locupletor nimis. si non, nimis orbo.
Nunc his, nunc aliis, apparens fronte serena.
Me venerantur Reges, Purpureiq, Tyranni
Me metuunt. mihi cunctum vulgus, & agmina plebis
Thura cremant, holocausta litant, votisq, fatigant.
Sufficiat narrare brevi, quod dicere fas est:
Adsum totius Dominatrix maxima Terræ,
Et Mundi Regina potens. De Nomine si quis
Ambiguus quærit, sciat & non ambigat ultra,
Quòd Fortuna vocor veniq, beare Clientes;
Munificas cum Sole manus sparsura per Orbem.
Nunc ea quæ breviter dixi, tu Fama fidelis

Cun-

Cuncta refer resonescq; tuba per Compita Mundi.
Huc citò convenient, cupiunt qui vivere faulle,
Devoveant sese nobis; ita sorte perenni
Accumulabuntur. sic terq; quaterq; beati
Evadent per nos. Resones, resones id ubiq;
Fama loquax resones, mandat Fortuna Beatrix.

Fama.

QUod mihi demandas, faciam. lituoq; strepente,
Mox resonabo tuum nomen per Compita Mundi.
Dicam Fortunam venisse beare Clientes,
Quamvé benigna suis Cultoribus, omnia dicam.

Tuba canit:

ATtendas Orbis! Mortales discite cuncti,
Quod referam vobis magnarum nuncia Perum:
En Fortuna potens Prænestis Diva celebris,
Cujus ab arbitrio pendet variatio Casus,
Nunc stetit in terris longum clamata per ævum.
Hæc Dea, non fluxis opibus ditare Clientes,
Qui sibi devoti fuerint, promittit abunde,
Perpetuisq; bonis cumulari spondet eosdem.
Vos ergo cupidi modò fortis in Orbe beatæ
Fortunæ, Mundi Dominæ, date corda fidemq;
Non erit illa carens respectu, sit licet orba
Luminibus Frontis. Rota Divæ præpete cursu
Volvetur cuivis ad nutus, prospera quæq;
Advolvens. Hæc sunt resonantia Classica Famæ.

S C E N A II.

Auditò Famæ classico, accurrunt Polycrates, Belisarius, Timotheus;
Cræsus, & alii. Sed non deprehensâ Deâ. utpote quæ loco diu
stare nescit in uno. Delphos petunt, & sciscitantur de illa ora-
cula Phæbi, acceptoq; Responsò pergunt ulterius.

Polycra: Postquam Fama volans nostras pulsaverat aures,
Insolitum referens rûmorem. Nempe quòd illa
Multipotens Dea, quæ Cultorum vota secundat,
Orbe suo volucri, nunc se devexit in Orbem;
Hic sibi devotos locupletatura Sodales.
Protinus ipsimet Cultum præstare volentes,
Ut citius sinat inde sua nos sorte beari,
Movimus hûc passus. sed forsân accidit error
In cursu nostro, quòd non reperimus eandem
Hocce loco terræ. *Bel.* Potius nos Fama fefellit,
Quæ plerumq; solet, pro veris falsa referre.

Timotheus. Famam non dubito mendacem sæpe fuisse;

Hæc tamen in magnis nescit mendacia rebus.
 Crediderim, quia fortè volunt se Numina quæri.
 Constat enim certò, quòd ament pretiosa latere.
 Sic Fortuna latens se se non ingeret ipsam,
 Sed quæsitæ diu tandem prodibit ad usus
 Nostros. *Cras.* Hoc & ego non dissonus approbo dictum;
 Æquè concludens, alio quòd abire necesse,
 Aurea Munificæ quæsitum munera Divæ;
 Mox igitur capiamus iter. *Polycr.* Sed quæ via nobis?
 Semita quæ ductrix? quis trames cursibus inde
 Arripiendus erit? quorsum properare juvabit?
 Herculis hic bivium, res hic nimis ardua restat.
 Unde resolvendus nodus prius *Beli.* Ecce resolvo:
 Quò nos fata trahent pergamus. *Timo:* Cæcus hic esset
 Impetus, at potius stellati Numina Cœli
 Supplicibûs votis venerando, ritè precemur,
 Ut moveant nostros gressus quò? & quâ sit eundum.
Cras. Non contravenio dictis, tamen audeo fari:
 Re super hac, dubiis, Oracula pandat Apollo,
 Consiliùmq; ferat. placet hæc sententia vobis?
Polycr: Quippe placet. *Bel* Placet. *Tim.* Ista placet, meritòq; tenēda
Cras: Ergo pergendum. *Polycr* Socii jam jam mora desit,
 Gressibus intentis, Delphos, ubi regnat Apollo
 Vadamus, Tripodis Responsa audire volentes.
Polycr: Tu qui mente sacra præsentia, prisca, futura.
 Cognoscis penetrans, o Vates maxime Vatum!
 Respice submissos Cultores, atq; benignis
 Auribûs excipias, voces & vota precantûm,
 Expetimus, tua certa velis Oracula ferres;
 Num desideriiis nostris Fortuna favebit?

Chorus Musarum.

1. Tu Qui per sæcula
 Pandis Oracula,
 Adveni,
 Apollo Delphice
 Subveni,
 Vates mirifice
 Adveni, Subveni.
 Et effata, Profer grata
 Hisce Viris fortibus.
 2. Num Fortuna bonis
 Potientur donis,
 Dicito,
 Ad suaquæ vota;
 An cito?
 Curret Divæ Rota,
 Dicito, An cito,
 Exoptatis, Et beatis
 Ditabuntur sortibus?

Apollo. Fatidicum quisquis Tripodem reverenter adorat,
 Ambiguus, dubiusq; rei non inde recedit,
 Et vos ite Viri. vobis Fortuna favores
 Conferet innumeros. mox invenietis eandem,

Si Duce Mercurio quæretis Numen Amicum.

Felices eritis; tamen id meminisse velitis;

Quòd Mater Fortuna, brevi fit sæva Noverca.

Talia prædicens Responsa, dat Augur Apollo.

Polyc: Perpetuas grates tibi reddimus o bone Vates!

His pro Responsis, memori quæ mente colemus

Tui non inmemores nunc ibimus, ibimus ultra,

Quòd nos deducet Cyllenius, ibimus omnes.

Merc: Non dubitate Viri quærentes munera sortis,

Me, Caduciferum Præcursores, fore vobis

Cursibus in captis prodromum. Nam quis quis honorat

Numen Apollineum, rogitans Oracula Phæbi,

Semper me recipit Socium, Comitemq; fidelem.

SCENA III.

Inventâ Deâ Fortunâ ductu Mercurii, stupefiunt omnes, advertendo qualiter hæc mirâs suis modis, Marium ab Aratro ad Consulares Fasces, Agathoclem, ex officina Figuli ab argillaceo solo ad Solum Regale, Justinum, à Pastoritio baculo, ad sceptrum Imperiale promovet. hinc se ei mancipant, quæ pariter felices rerum successus, trium hos, nummorum abundantiam, & similia per se ipsis concilianda pollicetur. Insuper Polycratem præ cæteris sibi acceptatû in Templum Prænestinum (quòd jam ipsa prævolvitur) vocat.

Fort. Me penes imperium Mundanum, quis neget esse?

Quis non agnoscat regimen mihi, jusq; supremum

Res super humanas, quibûs, ut placet; utor, abutor;

Sum Fortunæ quasi una ferens fors plurima dona.

Praxis id efferet, ac eventus plura docebit.

Cernitis hunc Marium sulcantem vomere terram?

En qui rura colit, mox mox hic ab Urbe coletur.

Lingue jugum, dimitte boves & desere stivam,

Perge celer mecum, fies de paupere dives,

Vir Romanus eris, Figulo Genitore create

O Agathocles! cæno oneratas, ablue dextras,

Abjicias abjecta procul pannucia, namq;

Murice purpureo, mox exornaberis à me

In manibusq; tuis rutilabunt aurea sceptrâ.

Tu Justine, gregis Pastor, pecorisq; Magister,

Jam baculum quò fulcris, post terga remitte.

Imperii Clavum pro clava sume gregali,

Cæsar eris, qui Pastor eras, sic sorte volente.

En quàm pulchra cohors! imò Frons prima Senatûs

Hic populus, quem nostra manus provexit in altum.

Cernite mortales miretur & integer Orbis.

Quàm mihi fortis inest vis, & quàm magna potestas.

Qui ducebat heri Marius per prata juvencos,
Atq; gravem durô terram vertebat aratrô,
Hic hodie magnis dat jura Quiritibus ecce.
Effingens ollas Agathocles, splendet ut ille
Fulgidiore luto cui fioxit viscera Titan.
Felix est totus Justino Principe Mundus,
Cujus Cæsareâ præcingi tempora vittâ
Feci, ne se se jam cingat gramine vilis
Quod Fortuna ratum faciam, quis dicere falsum
Audeat? & tantæ suffragia vincere sortis?

Poly. Quæ rerum facies! & quali digna tabella,
O Dea! quidquid agis, nil cernitur absq; stupore.
Rectè multipotens Dominatrix diceris Orbis.
Hæc facis aptè, quæ fieri vix posse putantur.
Si quoq; nos facias non impare sorte potiri.

Fort. Vultis id? ergo fidem juretis & este Clientes
Fortunæ Dominæ. *Poly.* Exequimur tua jussa libenter.
Et spondemus idem, nisi tu concede favores,
Respectuq; tuo Famulis constanter adesto.

Fort. Nunquàm non decro, nunquàm non fida manebo
Vobis, o! noviter mihi dedita turba Clientum.
Faustos successus aliis, aliisq; Trophæa
Hostibus ex sævis, sine multa cæde suorum,
Divitias aliis, nummos, & cara talenta
Conciliabo brevi. Porro: quæ quis volet, illa
Hac constante Rotâ, se volvent ad sua vota.
Qui mihi præ cunctis addictior esse videris
Esq; Polycratis, insignitus Nomine blando.
Quo provolvor ego, tu currito meq; sequaris.

SCENA IV.

*C*opiosus munerati donis Fortunæ Cultores, gloriantur quod ejus beneficio omnia faustè ad vota sua experiantur fluere. Belisarius quidem quod facile Victrices reportet de hostibus palmas, Timotheus quod Regna & Urbes felicissimè aucupetur, Cræsus quod immensus affluat opibus. pro quibus Fortuna gratiis non ingratos se Vituros spondent.

Belisa. Et si millenis resonent mihi vocibus ora,
Multifidusq; ruat centum per pectora Phæbus,
Si totidem lingvas numerem Belisarius unus,
Quot lingvæ Coeli numerantur. non tamen illa
Ritè recenserem, quæ pectus gaudia lambunt.
Non ita Dardaniô gavisus Atrida triumphô,
Nec sic errore exacto, lætatus Ulysses.
Tantæ lætitiæ peramæni cordis, abundam

Materiam tribuit Victoria, tumq; trophæa,
 Quæ mihi conciliat Fortuna ex hoste cruento.
 Fulgura crebra micant, & plumbi plurima grando
 Pervolat, Mortesq; serit, me non ferit, imò
 Vix venio, vinco; video vix, illicò sterno
 Castra Ducum, Tegetem Clypeatam sterno Virorum,
 Scutiferas legiones, Armigerasq; Catervas
 Funditus ex acie fundo. *Timoth.* Mihi Regna perampla
 Et Regiones, & Districtus Orbis, & Urbes,
 Sese subjiciunt. ita prosperitate favente
 Vivo Triumphator Mundi, sinè cæde celebris.
Cræs. Aureus ipse stylus vilescit, verba valorem,
 Gemmea sint quamvis, amittunt, hic, ubi quidquam
 Narrandum venit ore meo, de divite vena,
 Ac de congerie nummorum, quos mihi largè
 Comparat hæc Dea, thesauros æraria complens.
 Nummus emit vicos, nummus conservat Amicos.
 Unde licet populus me sibilet at mihi plaudo
 Ipse Domi, simul ac nummos contemplor in Arca.
 Divitis auditur cûi non opulentia Cræsi?
 Me quis adest, vel adesse potest locupletior unquam?
 Sunt mihi, sunt nummi; Dea quos Fortuna paravit,
 Nunc & adhuc parat, augendo sua dona sat amplè.
Bel. Eja mei Socii! dum munera tanta tenemus
 Largitricis opum, Largitricisq; triumpho,
 Gratia nos gratis data, stringat vivere gratè
 Et faciant benefacta Deæ meminisse datorum,
 Nam natura jubet pro donis reddere grates.
Timoth. Ingrati nunquam vivemus. *Cræs.* semper habebit
 Gratos hæc animos, cujus nos gratia replet.
Bel. Ergo vadamus Fortunæ thura daturi.

S C E N A V.

POLYCRATES. Duce Mercurio venit in Templum Fortuna, & ei cum
 Flaminibus sacrificat, quæ aded Polycratem devotum sibi videns,
 Principatum apud Samios per se illi efficiendum appromittit; utq;
 de sua semper inviolatè servanda constantia reddat Eum certiorè,
 æviterne fidelitatis Hieroglyphicû annulum offert Polycrati, hocq;
 illum sibi desponsat. qui circa gratiarum actionem pro tantorum
 contestatione respectuum, lætos jubet institui cantus.

Polyc. En celer advenio celerem te Diva sequendo,
 Advenio retinens jussum alta mente repòstum.
 Et tibi sacrifico veluti devotus Alumnus
 Quid me vis fieri Plasmatrix fortis amicæ?

Fac, licet im̄meritum, sed ab inde m̄erere volentem.
 Nam mihi sola places, & digna videris amari.
Fort. Pondero quem nostris Aris nunc reddis honorem,
 Sinceramq; Tui cum votis pondero mentem
 Erga me Dominam; ejus te noveris esse
 Indigenam cordis, primumq; favore Clientem.
 Non levis hic sermo, quem mox documenta probabunt,
 Scilicet ipsa feram saturatas murice vestes;
 Quod facies, faciam; quò perges, ipsa præibo.
 Hæc Rota te in Solium Samiorum provehet altum
 Summus eris Princeps, tribuam tibi munera summa,
 Semper ero vultu ridens Fortuna sereno.
 Te nec divitior, nec erit felicior alter.
 Perpetuò Dea fida tibi stabilisq; manebo.
 Annulus æternam me denotat iste rotundus,
 Quò mihi te desponsò perenniter intime Consors.
 Sis memor ergo mei contra memor ipsa manebo
 Semper, crede, Tui. *Polycr.* Nunquam Regina negabo
 Te nimis effusam; nec me meminisse pigebit,
 Dum memor ipsa mei, dum spiritus hos reget artus.
 Hic honor, hoc decus, hæc & max̄ima gloria nobis.
 Semper erit, Divæ pignus servasse benignæ.
 Cui vos Pierides citharæ, lituisq; tubisq;
 Plallendo, resonos date cum modulamine cantus.

Cantus Musarum cum Choro.

1. Dea Fortuna,

Tibi nos unâ

Voce suavis oris,

In signum honoris,

Parnassi Camanæ,

Cantamus amenè

Applausus.

2. Es namq; digna

Dea benigna,

Nostrum pio cultu,

Quòd sereno vultu

Faves, & Cultores

Moves, lætiores

In ausus.

3. Tu tu Regnatric,

Atq; Beatrix,

Mundi nuncuparis,

Et semper amaris,

A populo toto,

Numini devoto

Præestis.

4. En Polycrates,

Cum cantu grates

Referens, honorat

Te Divam. & orat

Quatenus favorum,

Æternus, tuorum

Sit testis.

G E N I I

Sensum Actus imi versu Polonico sub figura fallacis Mundi

Explicantes.

INTERMEDIUM

ACTUS

ACTUS II.

SCENA I.

Proceres Samiorum pullatus adit Legatus denuntians eis mortē Æacis Regnatoris ipsorum, qui post factam condolentiam, consultant de eligendo alio, sed ob dissonum animorum sensum rebus infectis ex Senatu abeunt. quibus obvia Ratio Statūs, suadet hanc electionem committendam esse Sortibus, sive Fortunæ, quod utiq̃ accipiunt, sed in diem sequentem Actum Electionis differunt.

Legatus. Supremi Procēres Regni, Frons prima Vixorum,
Primores Gentis Samiæ, venerande Senatus.
Turbatis video mentes, multumq̃ stupetis,
Me dum pullatum vobis adstare videtis
Legatum. Stupor hic meritò vos comprimit omnes,
Namq̃ nihil læti, sed lethum defero triste.
Non hilarem sono rumorem, sed fata dolenda
Regnatoris nostrū, nimirum Æacis almi.
Jam Sol hic Regni velatus nubibus atris
Optatum lumen non sparger, quem nigra Clotho
Non adeò pridem fatalibus obruit umbris.
Credatis vera hæc, Legatus quæ modò dixi.

Senatores.

Imus. Immortales Dii! quæ tanta licentia Mortis!
O Superi! Dominis cur Parcæ parcere nolunt?
Ah! singens clades! ah! quid nisi summa resultat
Pernicies nobis orbatis Principe summo.

2dus. Clausit in æternam noctem sua lumina Princeps?
O! utinam tali nunquam rumore fuisset
Territus! o satius prius hic mihi funus adesset,
Audissem nostri quàm funera Principis. **3tius.** Hêu! hêu!
Quid tandem fiet, cum Princeps desit ille
Vivere, quo vivente satis bene Patria vixit.
Vita fuit nostrū vitalis spiritus ejus.

4tus. Eheu! jam vocem lachrymis introrsus obortis
Devorat ipse dolor, crudescit pectore vulnus.
O Libitina ferox! o crudelissima fata!
Hic per vos cecidit, per quem Respublica stabat
In florente statu. ah! casus grandisvè gravisvè!

Imus. Jam nequit hæc aliter clades repararier unquam,
Ille Monarcha nisi regnet, qui læsa dolore
Corda sciat sanare, cui per vota favete,
Ut Viduum scandatq̃ Thronum, Sceptrumq̃, Mitramq̃
Electus capiat. quare jam scribite vota.

Imus. Quem mea charta refert hunc eligo jure Monarcham.

C

2dus

Indeq; conjicias prout exardescimus omnes
Pectoribûs gratis, erga te splendide Phæbe,
Cujus inocciduum sit lumen, corde precamur.

Polyc. Ut regimen populi, fasces, Sceptrumq; Mitramq;
Ut vosmet Proceres, cum totius agmine plebis
Suscipio lætus, pariter sic vota fidemq;
Accepto, vestris cum plausibus. insuper addo:
Me fore præsidium vobis per tempora vitæ.
Interea dapibûs refici descendite mecum.

S C E N A IV.

*Assidentes opipara mensa in Aula Polycratis Proceres, non solum sapidissimâs eduliâs verum etiam Musicorum instrumentorum concë-
tibus, & variis speciminibus recreantur. Deniq; Polycrates gra-
tiâ majoris capiendæ voluptatis, divertit in Chloridis Hortum.*

Polyc. Vivat cognatus felicia sæcla Senatus.

1mus. Quot recipis Cives, annis tot vivito dives.

2dus. Vivat inoffensè Princeps gravis hostibus ense.

3tius. Nostri Sol Cœli vivat precor ore fideli.

4tus. Vivat in æternum dans Princeps dulce falernum.

Polyc. Non satis est horum, non sufficit ista voluptas,
Sed placet, ut Floræ florum redolentis odore,
Deliciis utamur amænâs, dum favet aura,
Dum sine nube diem, peramici luminis Author
Diffundit meliore coma, seu crine reposito.
Dum violas pueriq; legunt hilaresq; puellæ,
Prataq; pubescunt variorum flore colorum.
Ergo florigeræ speciosum Chloridis Hortum
Ipse petam, modò vos Comites stipetis euntem.

S C E N A V.

*Veniens in Hortum Polycrates, salutatur à Chloride, ubi & suave
olenti florum fragrantia, & aquæ ductu mirificè de cisterna in al-
tum prosilientis recreatus, soporatur placidissimè in florido lectulo,
accinentibus sibi aviculis.*

Chlor. Quis novus hic nostris succedit sedibus hospes?
Quem Majestas, quem virtus, quem mira venustas,
Non hominem, potius dicit Genus esse Deorum.

Polyc. O Dea! cui Zephyrus dotaless tradidit Hortos.
Floribus & placidis dominari fecit in ævum,
Frondiferasq; domos avium, camposq; virentes,
Jupiter omnipotens cui commendaverat olim.
O Dea! quam venti fugiunt, & nubila Cœli,
Et glacialis hyems, & nix, & frigora sæva
Horrescunt. aperis quæ Mundo tempora læta,

Exhilarans animos semper novitate recenti:
Te modò te placuit nobis, invisere lætam,
Post oris pectus, ut pectora pascere dones
Deliciis Horti. *Chlor.* Sed supplico dic: quis? & unde
Sis? & quem venerer de nomine, quemvè salutem.
Nonne Poli Civem? *Polyc.* Mihi scito Polycratis esse
Nomen, qui moderor Samiorum Gentis habenas.

Chlor. O fors magna mihi! tanto quòd Principe possim,
Intra floriferi septum gaudere vireti
Ingredere, ingredere hospes, jam tibi porta reclusa,
Nam te delicias Orbis, bene quadrat adesse
Horti deliciis, flores à flore juventæ
Grande nefas esset nostros avellere velle.
Ingredere invito, via se tibi pandit in Hortum.
Lilia, narcissi, violæ, tum tulipa flavens,
Purpureæq; rosæ referantes ora, salutant
Te decus eximium volucres lætum Tibi salve
Dicendo, resonis concentibus aëra mulcent.
Lenius ecce modò spirant Zephyri, atq; Favonî,
Qui mea lascivo regnant per prata volatu.
Et Fons hortensis magis exhilarante susurro
Te veniente salit, tum ridet amænior Hortus;
Per quem tu Princeps, animò spatium sereno,
Deliciisq; meis avidum cor pascere salubris.
Pascere prout satis est, nec enim tibi denego quidquam.

Polyc. Purpureis redimita rosis, florum Dea Chloris,
Æterno voveo Tui nomen vernet honore,
Quòd faciles aditus concesseris, in tua Regna.
Sentio vere novo mihi reflorescere pectus
Floribus in mediis, quorum perfundor odore.
O felix! o blanda! meæ recreatio mentis.
O flores! flores! quàm dulces fertis odores.
Hic ego depositus vellem requiescere semper,
Hic mea paulisper patiari membra locari,
O Dea grata nimis. *Chlor.* fiat tua plena voluntas.

G E N I I
Sensum Actus 2di versu Polonico sub figura fallacis Mundi
Explicantes.

Continuatio Intermedii.

A C T U S III.

S C E N A I.

*S*Edens in Throno Polycrates gloriatur, quòd favente sibi benignissi-
mâ Dea Fortuna (cujus non tam Alumnus, quàm partus appella-

D

tus

tus est) nihil hactenus adversi noverit, nec aliquam possit subire
mæstitiam animi, in cuius rei experimentum, resolvit se annulū
ingen:is pretii, sibiq; maximè acceptatum, profundis aquarum in-
jicere vorticibus, qua de causa progreditur ad mare.

Polyc. O cedris sculpenda dies! o gemma dierum!
O nimium felix! niveoq; notanda lapillo
Hora fuit, quā me Fortuna recepit Alumnum,
Connubioq; sibi voluit sociare jugali.
En me larga beant Prænests munera Divæ,
Quæ cor cunq; cupit, quæ mens animusq; requirit,
Omnia, Fortunæ subitō veniunt mihi nutu.
Si cupiam nummos, sunt his æraria plena,
Si Victor fieri volo, dat Fortuna triumphos.
Gaudia siq; velim, tribuit fors gaudia Cordi.
Siq; honor expetitur? sum Princeps, quæris amicos?
Tempore felici, multi numerantur Amici.
Porro sum felix, quō non felicior alter,
Sum fortunatus, sum terq; quaterq; beatus.
Sum felix, quis enim neget hoc? felixq; manebo,
Hactenus ignorans, quid sint adversa malorum.
Hinc nihil optandum superest, nisi causa doloris,
Mærorisq; alicujus, noscam ut quid valet angor,
Cujus materiam citius mihi nil dare posset,
Quàm poterit dare, solus & unicus annulus iste,
Non solū dextram, sed cor Regale coronans,
Lætitiæ objectum, centrum totius amoris.
Hunc hunc ergo vadis Pelagi submergere vadam,
Ut vel in amisso valeam reperire dolorem.

SCENA II.

*S*istens in littore Jonii maris Polycrates, salutatur à Neptuno, qui e-
tiam Sirenes in applausum ejus modulari jubet. Inter hac gratiā
comparandi alicujus in vita doloris ex amissione acceptatissimæ rei,
projicit annulum in profundum Maris, & abit.

Neptu. Quis venit in nostrū fluidi confinia Regni?

Polycr. Hospes ego novus. *Neptu.* Hic Etymon tui nominis effer.

Polycr. Nosce Polycratis, Orbi notum, quod gero nomen.

Neptu. Primò cognosco, ast pridem reverenter adoro

Te Princeps, quem ipsum Numen Prænests honorat,

Et variis donis cumulat Fortuna Beatrix,

Publicus ut rumor sonat hoc, terrâq; Mariq;

Ad nostros igitur quando te cerno Penates

Neptunus Pelagi Rector, latum tibi salve

Ingemino latus. Plausus cum cantibus altis

Vos etiam blandæ Sirenes voce sonora

Edite, namq; suo Princeps hic dignus hōdore:

Cantus Sirenum cum Choro.

1. *Hospes, immensi veniens ad undas*
Æquoris, cernis velut has profundat,
Crede sic omnes humiles manere,
Nos tibi verèdam omni sibi
2. *Crede submissas (maris alta quanquam)*
Esse sirenes tibi corde, tanquam
Principi summo sanios regenti,
Huc venienti.
3. *Cui damus plausus modò voce lentæ,*
Inter effusi Pelagi fluentæ,
Et simul grato recitamus ore,
Vota sonore:
4. *Aurifer Ganges locuplete vendæ,*
In domus postes fluat, hæc arenæ
Gemma distans habitaculorum
Tectæ tuorum.

Polyc: Jam plausus hilares, hæc jam modulamina cessent,
Mærorem volo piscari, non gaudia mentis.
Quare permittas amplissime Rector aquarum,
Annulus ut fundum teneat, quem trado procellis.
Hinc saltim sperans agitandam fluctibus esse
Lugubribus mentem, quam semper gaudia tollunt.

Neptu. Appretias nostrum quo Princeps munere Regnum,
Non illud citra sortem, rehabe-re licebit,
Emergit nunquam, his quidquid submergitur undis.

SCENA III.

INjectus nuper æquoreis undis annulus Polycratis, sorte in pisce ad Cul-
linam allato invenitur, & inde exemptus offertur Polycrati, quò
receptò insolentiùs gloriari incipit, totiq; Ditioni suæ Deam For-
tunam speciali cultu adorare præcipit, quod summè in se effusam
agnoscat. Sed cum ipse Polycrates offert thura & litat Victimæ
Fortunæ, illa vultum furibundum & iratum minaciter ostentans,
spernit omnia & fugit sequentem se Polycratem.

Præf. Cul: Sis Princeps voveo diuturno tempore sanus,
Et mihi, pacatas aures concede, loquenti,
Ut referam quædam. **Polyc.** liceat tibi promere verba,
Auscultabo libens sermonem. **Præf.** mira relatu
Res, quia se pisces modò fulgidiore metallo,
Et gemmis pascunt pretiosis in Maris alto.
Experti sumus id, dissecto pisce Marino
In cujus fuerat latitans abdomine ventris
Annulus auratus, gemmæ candore coruscans.
Qui prout exsuperat pretium, sic jure suprenio
Debetur Domino. **Polyc:** si me non fallit imago,
Fors ego consimilem sepelivi gurgite vasto
Æquoris Jonii; quinimo circulus ipse
Exactè digito respondens, dicit apertè
Non alium, nisi quem projecì nuper in undas.
O nimium Fortuna favens! o prodiga rerum
Sors Mundi! quàm te constantem quàmivè fidelem
Nunc mihi præstiteras, & firmiter esse probasti,

Cum rursus tuleris, quod in alto gurgite Ponti
 Perdideram, sed sponte; volens hac arte perennem
 Fortunæ tentare fidem, tentare favores.
 Cujus firma satis mihi jam constantia constat,
 Jamque probata fides, exploratiq; favores,
 Pro quibus affirmo, fore me memoremq; piumq;
 Unde statim Samiæ Genti demando severe,
 Semper Fortunam curet reverenter habere.
 Propitium nobis Numen, specialiùs oret.
 Pyramides, Arcus, Obeliscos, Tempia, Colossos
 Exstruat; hincq; Diis majora libamina reddat,
 Qualia, primus ego Fortunæ reddere pergo.
 O Dea larga nimis! tu jure mereris, ut illis
 Plena tot, ac tantis referatur gratia factis.
 Hanc refero primus. sed quid furibunda minaris?
 Vel non thura placent? cur respuis hæc pia dona?
 Quæ longè majora tuo sacrantur honori.
 Siccinè te nobis auferis Fortuna fugisve?
 Ah Dea ne fugias! precor & ne linque sequentem.

SCENA IV.

Querulatur Polycrates cur sibi sit irata Dea, quæ inter querulos illius discursus subordinat clanculo casum sive Vicissitudinem, ut ipsum, de solio proruat: quod fit in instanti. Hoc videntes Amici, & Ministri, fugiunt, deseruntq; Polycratem in mediis malis, quæ Honor, cunctis insignibus spoliatur; Copia vestibûs & cimelîs privat; Miseria pannucio vili induit, Ignominia fune & compedibus onerat, Adversitas ad palum invitat.

Polycr. Heu! heu! quis valeat justam producere causam
 Tàm subiti motûs improvîsiq; furoris
 Fortunæ, quæ jam Cultorem spernit & odit
 Fædus amoris jam violat, jam vincula rumpit,
 Eripiendo se manibus per fortia nostris.
 In quo demerui? quo crimine lædere Divam
 Incautus potui? quæ vel face pectus in iras
 Fulmineas accendi? (cùm nisi thura cremavi)
 Ignoro penitus. me tantùm dicere possum
 Non meriti poenam perferre, aut Numinis iram,
 Quæ tandem poterit paulatim lenis haberi.
 Hinc non prorsus adhuc dejecta concido mente.
 Proderit afflictis melius confidere rebus.
 Forfan enim mecum ludens Fortuna jocatur.
 Hanc nec fallacem, nec quando spero dolosam.
 O Superi! Superi! Superi! fulcite cadentem;
 Ah quid de summo Solio me trusit ad ima?

Nescio quis Casus istius Fons & Origo
Ah! ah! fortè Dæ Fortunæ techna dolusvè.
Factum quod quondam fieri non posse loquebar,
Illo nec levius cecidi, quem magna locutum
Reppulit à Thebis, emissio Jupiter igne.

Honor. Quos Fortuna dedit per me tibi reddito fasces,
Redde Mitram, Sceptrum, nec non Insignia cuncta.
Nôsse quod expedit, noscas illudq; memento,
Nempe; dat & quodcunq; libet Fortuna rapitq;.

Copia. Murice purpureo, textis & vestibûs aurô
Induerat Fortuna tuos versuta lacertos
Me mediante, sed hæc quoq; me mediante Minистра
Cunctis te spoliât; demonstrans quomodo dives
Indigus esse potest subito, pauperq; manere.

Mise: Vilia pro tumido ornatu pannucia sumas.

Igno: Compedibûs rigidis vinclis & funibus arctis,
Vincio Victorem, devictum sorte maligna.

Adver: Quem Casu Fortuna gravi dejecit ab alto,
Nunc ego te rursus celsa super ange locabo
Invito, properes altum conscendere palum.

Polyc. Hei mihi! quàm rabidè odor mordente Cachiâno,
Fortunæ fidi non sic tractantur Amici.
Hei mihi! quò rapior non sic non, itur ad alta,
Non ita speravi me fursum posse levâri.
Hei mihi! quò rapior, cujus violentia fati
Tollere me tentans, allidit rupibus ossa.

SCENA V.

Fortuna malis rebus Polycratis insultat, & verba, quibus felicem se jactabat, majoris gratiâ contumeliæ ingeminat. Deniq; Afflioni tradit eum, qui deplorat infelicitatem suam resonante Echone, & Fortunæ incensantem constantiam canit lugubri Nenia. Ad extremum raptus ab Oronte Darii Duce calamitosè tractatur, & perit infelicissimè.

Polyc: Eheu me miserum! qui tot tantisvè ruinis
Obrutus hic jaceo, magis ex post forte premendus.
Eripiat qui me de tanta strage malorum,
Nullus adest, o quàm longè fugistis Amici!
Cum feriunt unum, non unum fulmina terrent.
Favistis video, sed nonnisi sorte favente,
Dum fera terribili vexat Fortuna tumultu,
Vertitis ora procul, me solum linquitis, hêu! hêu!
Turpe referre pedem, nec passu stare tenaci.
Expertus dico nemo est in amore fidelis.
Eheu me miserum! quid agam quid me manet ultra.

E

Fort:

Fort: Nonnè vides, ut nostra tibi clementia prodest
Plura feres, quàm sunt hæc, quæ tu damna tulisti.

Polyc. O Dea! cur adeò savis? cur plura minaris,
Nec mala te reddunt mitem, placidamq; jacenti.
Exigis indignas Ultrix Rhamnusia pœnas;
Nil ego peccavi, nisi si concessa Clienti
Munera, crimen habent? *Fort.* certè sperare decebat,
Nubila post sudum, post lucida fulgura fulmen,
Post plausus planctus. tristes post gaudia luctus.
Felicem nuper quò non felicitior alter,
Et fortunatum te perpetuoq; beatum
Jactasti repetens: *Sum felix atq; manebo*
Sum felix! quis enim neget hoc, adversa malorum
Quid sint? ignorans. ergo nunc talia disce.
Proficias ut in his melius, sapiasq; caduca
Munera Fortunæ, quòd sint, aget ecce Magistram
Corpora verberibus pulsans Afflictio dira

Polycrates.

Fortuna.

Siccinè me tractas?	Aliter non est mihi moris.
Hæc ne ego promerui	Sic fido solvo Clienti.
Ah malè compensas!	Hæc est mea maxima Virtus.
Fallere velnè licet?	Fas est mihi fraudibus uti,
Ergo peribo miser?	Jam felix esse nequibus

Sed mox concussus crudelia fata subibis.

Polyc. O utinam! blando cùm me sermone vocares,
Mors inopina meos tardasset ad ostia gressus,
Turpius expungis, quàm non inscribis amantem.
Unum in me scelus est, quòd te scelerata recepi
Jura, fides, ubi nunc? commissaq; dextera dextræ?
Promissus Socios ubi nunc Hymenæus in Annos?
Sæpe fui mendax pro te, quia sæpe putavi
Te non mendacem. Scio nunc quàm sit tua semper
Vox foecunda operum, pulchraq; accommoda fraudi.
Sic indulgebas, magis ut me lædere possis.
Namq; modò armatâ flammis, tædâq; minaci
Mille faces evibras, & mille ignea figis
Tela manu, transfixæ hærent, in corde sagittæ.
Jamnè fugis? per ego has lachrymas, dextramq; tuam, te
Per connubia nostra, per inceptos Hymenæos.
Oro: revertere; & inflicto medeare dolori.

Fortu: Supprime jam lachrymas, non sum remeabilis unquam.

Polycr: Ergo crudelis nostro Fortuna dolore
Pascere, tu satiaq; meo nunc pectora luctu,
Corq; ferum satia, Conlosq; inimica triumphæ.
Ah ah! sum quid ego modò quid fueram? quid eroq;.

Im.

Imposuit me alto Fortuna locumq; tenere
Iussit honoratum; mihi conciliavit Amicos
Adauctis opibus, momentò cuncta recepit.
Fortunæ utebar spirantis leniter aurâ
Sed subito fallax vultum mentita recessit,
Atq; fragore tonans, artus trepidare cœgit
Necnon præcipitem insperato fulminis ictu,
Me deturbavit, supremæ sedis ab ange.

Non sum qui fueram, non Princeps, non quoquæ dives
Sum, non sum felix, homo sed miserabilis adsum.

Si me nunc videas, visum prius esse negabis. *Echo.*

O mea vita prior, rursus potes annè redire? *Dixæ.*

Dixæ me vexant miserum nimis ecce cruentæ *En Te.*

Entre novos à pœna ista me facillè repressum? *Pressum.*

Pressum tam lictè, num tristitia funera tollent? *Tollent.*

Tollent? ah quid agâ! cùm non mea vita redibis, *Ibis.*

Ibis at in mortem, confidens fortis amori. *Mori.*

Non est, qui nostras æqua bibat aure querelas

Sola pia est mecumq; gemit resonabilis Echo.

Oront: Tu quis es? enarra pariter quo nomine gaudes!

Dicito; *Polycr:* sum Samius nomenq; Polycratis (Orbi

Sat notum) gero. *Orontes* Te multis quæsiuimus annis

Nunc tandem rapidos gressus bene vertit Olympus,

Et Fortuna graves nostrum miserata labores,

Annuerat votis quærentum, favit Oronti,

Cùm non sperato casu, te intrusit inermem

Ultrici manui, cuius mox spicula sumes,

Tractandus rigidè, velut impius, improbus, atrox,

Oppressor populi, Cruciator, tumq; Tyrannus:

Eja ferox Miles captivum ad funera rapta!

Ocyus hic pereat, fiatq; volucris esca

Per quem non unus periit: sic jura requirunt.

Miles. Vir scelerum passu celeri quæsitus adesdum?

Accelera pænæq; locum pete, te vocat atra

Crux, infame genus mortis cum funere tristi.

Polycr. Ah à quo pro quo ferior! quis vulnerat artus?

Nonne lat afflictum me cernis barbare tortor?

Si te non movet hæc rerum Fortuna mearum,

Natus es è scopulis, nutritus lacte ferino.

Proh dolor! ah pereco, telis confixus iniquis.

Exitus ostendit, quò Mundi gloria tendit.

Quàm Rota Fortunæ sequitur vestigia Lunæ.

O! Fortuna potens, quàm variabilis,

Inconstans, fragilis, perfida, lubrica,

Nec servare potes muneribus fidem

Nec quos clarificas perpetuū foras. Virg: de Fort.

G E N I I

*Sensum Actus 3tū versu Polonico sub figura fallacis Mundi
Explicantes.*

Continuatio Intermedii.

E P I L O G U S.

JAm tandem patuit, quā scitè perfida possit,
Uno momento fallere mille modis
Deceptrix Fortuna Viros; quēis blanda favere
Se simulat, quos autē fidere gnara sibi.
Jam Mundi patuere doli, fraudesq; nefandæ
Drammate productæ, jam patuere modò.
Felix, quem facient aliena pericula cautum,
Felix, qui Mundum temnere discet abhinc.
Infelix casus, docet, iste, Polycratis, omnes,
Quod sit Fortunæ non tribuenda fides.
Et cum jam patuit, potuit quod nostra Pœsis,
Demonstrare sua Drammatis arte palam.
Unde nihil restat, nisi justas reddere grates
Hospitibus gratis, quod subiēre moram.
Ergo spectator titulis venerande serēnis
Grates cum cultu suscipe; sisq; diu
Prosper & incolumis. Sortis variatio nulla
Sit Tibi. Corde pio Musa Tragæda vovet.

S E N T E N T I Æ

De Inconstantia Fortuna.

Nulla fors longa est, dolor ac voluptas
Invicem cedunt. brevior voluptas. *Sen: in Thyest.*
Fortuna opes non animum auferre potest. *Idem in Medea.*
Nemo confidat nimium secundis. *Seneca.*
Brevis est magni Fortuna favoris. *Silius Lib: 4.*
- - - - - diciq; beatus.
Ante obitū nemo supremaq; funera debet. *Ovid: Lib: 3. Metamor.*
Tuta petant alii, Fortuna miserrima tuta est.
Nam timor eventūs deterioris abest. *Idē 1. de Pont: Ele: 2da.*
Desinat elatis, quisquam confidere rebus. *Claudian: Lib: 2do.*
Prospera cuncta tibi Princeps promittere noli,
Lubrica Fortuna est, vitrea, vana, levis. *Theatr: Polit.*
O miseras hominum mentes! o pectora cæca!
Qualibus in tenebris vitæ quantisq; periclis,
Degitur hoc ævi, quodcunquē est! *Lucreti 9 Lib: 2. de rerū natura*
Nihil est ab omni
Parte beatum. *Horat: Lib: Oda 16.*

Vera felicitas est, servire DEO.

Jugera non faciunt felicem plurima quenquam;
Non Tergestini dulcia multa Soli.
Non Tyriæ vestes, auri non pondera flavi,
Non Ebur, aut gemmæ, non juvenile decus.
Et non divitiæ, vel honor, vel blanda voluptas,
Non tenuisse sua Sceptra superba manu.
Noveris & rerum causas licet, Astra Poliç,
Et nostro quidquid sub Jove Mundus habet.
At mea si quæris, quæ sit Sententia? dicam:
Hic si vis felix vivere, vive DEO.

In idem.

Si tibi pulchra Domus, si splendida Mensa, quid inde?
Si species auri, ac argenti massa, quid inde?
Si tibi sint nati, si prædia magna, quid inde?
Si fueris pulcher, fortis, divesq; quid inde?
Si longus servorum inserviat ordo, quid inde?
Si doceas alios in qualibet arte, quid inde?
Si faveat Mundus, si prospera cuncta, quid inde?
Si Prior, aut Abbas, si Rex, si Papa, quid inde?
Si Rota Fortunæ te tollat ad Astra, quid inde?
Annos si felix regnes per mille, quid inde?
Tàm citò, tam citò, prætereunt hæc, ut nihil inde?
Sola manet virtus, quâ glorificabimur inde.
Ergo DEO servi, quia tot tibi provenit inde.
Quot fecisse voles in tempore, quo morieris.
Hoc facias Juvenis, dum corpore sanus haberis.

Ex Libro intitulato Itinerum Deliciae.

Frustra fidis imagini
Fortunæ celeri quæ cadit impetu,
Et vix exoritur favens,
Obscurum subito vergit ad Hesperum.
Felix qui fragili procul
Fortunæ instabilis cedis ab effedo,
Et spem votaç collocas
In clemente DEO. solus enim DEUS
Verus Fons Opulentia
Quidquid Mundus habet sterco id æstima. *Neóter.*

CHRISTUS, NON MUNDUS AMANDUS,

Et tibi quærendi quod ames labor omnis ademptus:
Christus amandus & Hunc præter amare nefas
Formosum quæris! nihil est formosius Illò:
Moribus insignem? Solus at Ille bonus:


Immenſum nē opibus? nihil eſt opulentiſ ſ Illō:
 Munificum? dotes prodigit ille ſuas:
 Ductorem? Dux eſt: Regem? Rex: quæris Amicum
 Qui redamet? redamat, quin amat ille prior:
 An Patrem? Pater eſt: Paſtorem? Paſtor & Ille:
 An Sponſum mavis? Sponſus at Ille tuus.
 An Fratrem? Frater: Comitem? Comes annē fidelem?
 Eſſe vel ipſa fides non magē fida queat.
 Præſentem? præſens: Conſtantem? non ita conſtans
 Rupes, quā Siculi verberat unda Maris.
 An placidum? blandus: jucundum? eſt ipſa voluptas:
 Si pateris, tecum qui patiatuſ habes:
 Doctorem? omnis ab hoc manat ſapientia fonte:
 Sollicitumq; preces prævenit Ille tuas:
 Vulnēraq; & morbos curantem, ſanguine Morbos
 Atq; ſuis curat, vulnera vulnerib; ſ
 Quod ſi fortē cadis, cadis inter brachia amantiſ.
 Pulvinar Capiti ſubjicit Ille manum.
 Si fleſ, ille tibi rorantia lumina ſiccet
 Et mæſta Ambroſiis oribus ora premit
 O felix oculus portum viſuſ amantiſ!
 Scilicet in lachrymiſ naufraguſ ipſe ſuiſ.

Ex Palat: Reg: Eloqu.


CONCLUSIO.

O DEUS! immenſæ Bonitatiſ Fons & Origo
 Fac me Te ſolum corde ſitire pio.
 Nam ſi te ſitiam remaneſ Qui dives in omneſ
 Nulla meum poterit cor cruciare ſitiſ
 Largiſ fluo ſamulum conſpergaſ rore favoriſ
 Daq; Tibi tantū vivere tumq; mori.





Biblioteka Jagiellońska



stdr0025787

